





金石古文叙



西蜀揚子專精載籍窮索



奧所蒼月鉛餘錄古文韻語

韻林原訓及所選采樂府律

祖諸篇踵躋增華變辭加厲

間多肯賢所塗發茲哀集金

石古文九十四卷歐陽子讀  
漢髡鬪頌醪散關止潮澤旋  
朝陽之平滲莫究麻旨楊子  
類弘分鮮焯狀可諧豈非負  
胥純賦漁用苦力者幾蕪泉  
孟孛摹本漆善予茲巡行止

暇更綴班畫謀諮漢中李守  
重利爲祿飾皇猷其能羶禱  
助學

明嘉靖三十三年仲冬望四  
賜進士第率

勅巡按陝西監察御史永嘉省

# 菴孫昭書

金石古文卷一



天集

成都升菴楊慎輯

倉頡陽虛山丹甲青文石刻

上天垂命皇辟迭王

按河圖玉板云倉頡為帝南巡登陽  
虛之山臨于玄扈洛汭之水靈龜負  
書丹甲青文以授之文棍二十八字  
景刻于陽虛之石室李斯止識八字  
曰上天垂命皇辟迭王今已不可尋

矣

慎按爲帝南巡作一句爲音去聲言奉黃帝命而代之南巡也

衡山雲密峯神禹碑

承帝曰嗟翼輔佐卿水處

讀作洲渚

與登鳥獸

之門參身洪流而明發爾興久旅忘家宿岳麓庭智營形折心罔不辰往求平定華岳泰衡宗疏事哀勞餘伸禋鬱塞昏徙南瀆衍亨衣制食備萬國其寧竄舞永奔

徐靈期衡山記云夏禹導水通瀆刻

石書名山之高酈道元水經注云禹

治洪水血馬祭衡山於是得金簡玉

字之書按省玉字通水理也或曰此

卽金簡玉字之文云劉禹錫寄呂衡

州化光詩云傳聞祝融峯上有神禹

銘古石琅玕姿秘文龍虎形崔融云

於鑠大禹顯允天德龍畫傍分螺書

匾刻韓退之詩岫嶺山尖神禹碑字

青石赤形模奇又云千搜萬索何處  
有森森綠樹徠徠悲蓋亦求之而未  
得見也宋朱晦翁張南軒同遊南嶽  
尋訪不獲其後晦翁著韓文考異遂  
謂退之詩爲傳聞之誤蓋以耳目所  
限爲斷也王象之輿地紀勝云禹碑  
在岫嶁峯又傳在衡山縣雲密峯昔  
樵人曾一覩之自後無復可尋宋嘉  
定中蜀士有好奇者不憚高峻始陟

其所乃濡紙脫其文七十二字刻于  
夔州觀後亦磨滅近張季文僉憲在  
長沙得之云是宋嘉定中何致字子  
一者模刻于嶽麓書院斯文顯晦信  
有神物護持哉昔人好古如韓劉朱  
張求一見而不可得余流辟裔土乃  
獲坐玩之亦奇且幸矣遂拓刻之安  
寧州法華山之晚照峯仍建亭曰岫  
嶁亭

廬山紫霄峯石穴中禹刻

鴻荒漾余乃擘

輿地志江西廬山紫霄下有石室中有禹刻篆文有好事者縋而入摹之凡七十餘字止有鴻荒漾余乃擘可辨餘不可識慎又觀水經注云廬山之南有上霄石高壁緬然與霄漢連接上霄之南大禹刻石志其里數丈尺今猶得刻石之號焉又云九江中

孤石在落星石傍介立大湖中周廻一里竦立百丈上生林木而飛禽不集耆舊相傳昔禹治水至此刻石紀功又云會稽覆釜山亦有禹書任昉述異記曰空同山有堯碑禹碣皆科斗書淳化閣帖首有禹篆十二字福建莆田縣陳嵒山有自然仙篆以紙摹之形類禹刻何翥詩鳥書蟲文不可識如讀岫嶠神禹碑禹之遺跡靈

秘如此號曰神禹抑有由矣

商鼎銘

嗛嗛之德不足就也不可以矜而祇取憂也嗛嗛之食不足狃也不能爲膏而祇離其咎也

比干墓銅盤銘

右林左泉後岡前道萬世之靈茲焉是寶

金石古文卷二

周宣王石鼓文

我車旣攻我車馬旣同我車旣好我馬旣駘君子云獵云獵云遊麇鹿速速君子之求彎彎鹵弓弓茲以時我驅其時其來猷猷德德良良卽御卽時麇鹿速速其來大塗我驅其僕其來續續射其豚屬

右甲鼓

沂繫泛泛丞彼潮淵鯉鯉處之君子漁之



漫漫有鯿其遊徹徹白魚鱗鱗其菹底鮮  
黃白其鱗有鮒有白其胡孔庶鬻之彘彘  
洋洋趨趨其魚惟何惟鱣惟鯉何以橐之  
惟楊及柳

右乙鼓

田車孔安鑿勒駢駢六師旣簡左駢翻翻  
左駢驥驥我以濟于原我戎止陸宮車其  
寫秀弓時射麋豕孔庶麇鹿雉兔其原有  
迪其戎奔奔大車出洛亞獸白澤我執而

勿射多庶樂樂君子乃樂

右丙鼓

帥彼鑾車忽速填如秀弓孔碩彤矢笑笑  
四馬其寫六轡沃若徒駢孔庶廓騎宣博  
會車載道如徒如章原隰陰陽趨趨六馬  
射之簇簇有貙如虎獸鹿如兕怡爾多賢  
迪禽奉雉我兔允異

右丁鼓

我來自東霑雨奔流逆湧盈盈溥溥隰君子

既涉我馬流沔沔繫洎淒丞士駕言西歸  
舫舟自廓徒駢連連惟舟以道或陰或陽  
極深以戶出于水一方丞徒徨止其奔我  
以阻其乃事

右戊鼓

宣猷作原作周導遄我辭攸除帥彼阪田  
莽爲世里希微緘緘乃罟漆粟柞械其拔  
櫻榕庸庸鳴條亞若其華何爲所旂斃斃  
水塾導旨樹幽晤

右己鼓

徒御嘽嘽然而師旅填然會同又繹以左  
戎障弓矢孔庶洎洎是熾射夫寫矢具奪  
舉擘其徒肝來或羣或友悉率左右燕樂  
天子來嗣王始振振復古我來攸止

右庚鼓

彼走騤騤馬庶皙皙華華雉毘位多庶微  
我師氏憲憲文武何其一之

右辛鼓

我水既淨我道既平我行既止嘉樹則里  
天子永寧日惟丙申旭日杲杲我其旁導  
乘馬既迪敎夏康康駕彼四黃左驂騁騁  
右驂騁騁棨戟以奕汝不執德旛翰黎黎  
旂旂施施公謂大來余及如茲邑曷不余  
及

右壬鼓

吳人憐亟朝夕傲惕惕載西載北勿奄勿伐  
若而出奇進獻用特歸格藝祖告于太祝  
梯梯嘗受享致其方藝寓逢中圃孔庶麋鹿  
原隰既坦疆理曠曠大田不蒐君子何求  
有謀有始周爰止于是

右癸鼓

此文在太學潘迪有音訓凡四百九  
十四字予得唐人拓本於李文正先  
生凡七百二字蓋全文也嘗刻之木  
以傳矣然都元敬金薤篇劉梅國廣  
文選所收仍是殘缺四百九十四字

本蓋亦未見此也

周齊侯鍾銘

惟王五月辰在戊寅師于淄陞公曰汝及  
余經乃先祖余旣敷乃心汝小心畏忌汝  
不墜夙夜官執而政事余命汝政于朕三  
軍肅成朕師旗之政德諫罰朕庶民左右  
毋諱及不敢弗敬戒虔卹乃死事穆和三  
錫休命公曰及汝康能乃有爭率乃敵僚  
余用登純厚乃命汝及母曰余小子汝敷

余于艱阻虔卹不易左右余一人余命汝  
城差正饗繼命於外內之事中敷溫刑汝  
以敷戒公家應卹余于命刻伐履司敗乃  
靈師保少臣惟輔咸有九處禹之都不顯  
穆公之孫其配塏公之妣而鍼公之女雩  
生叔是侑于齊侯之所是小心共齊靈乃  
考虎謹恪其政事有共于桓武靈公之所  
桓武靈公錫乃吉金鐵鎬玄鏐塗鑣乃用  
作鑄其實鍾用享于其皇祖皇妣皇母皇

考用祈眉壽令命難老不顯皇祖其作福  
元孫其萬福純魯和協而九事畏若鍾鼓  
外內斲辟都俞造而屏臬毋或承類

周齊侯罇鐘銘

惟王五月辰在戊寅師于淄陸公曰汝及  
余經乃先祖余旣敷乃心汝小心畏忌汝  
不墜夙夜官執而政事余弘厭乃心余命  
弘政于朕三軍成朕師旰之政德諫罰朕  
庶民左右毋諱及不敢弗敬戒虔比乃死

事穆和三軍徒弼雩乃行師慎中乃罰公  
曰及汝敬共辭命汝應肅公家汝恐恪朕  
行師汝肇勳于戎攻余錫汝釐都膳爵其  
祿三百余命汝佑辭釐造國徒僕爲汝敵  
寮乃敢用拜手稽首弗較不對揚朕辟皇  
君之錫休命公曰及汝康能乃有事率乃  
敵寮余用登純厚乃命汝及母曰余季汝  
敷余于艱卹虔卹不易左右余一人余命  
汝差饗爲大事繼命于外內之事中敷溫

刑汝以敷戒公家應卹余于溫卹汝以卹  
朕壽令命難老不顯皇祖其作福元孫其  
萬福純魯和協而九事俾若鍾鼓外內開  
辟造而屏臬母或承類汝壽考萬年承保  
其身俾百斯男而執斯字盡義政齊侯左  
右母央已至于葉曰武靈成子子孫孫永  
保用享

姜鼎銘

惟王九月乙亥晉姜曰余惟嗣政先姑公

晉邦余不辱安寧經雍明德宣邲我猷用  
招君辭辟委揚乃先烈虔不墜諸覃享以  
寵我萬民嘉清錫我虎賁千兩勿廢文侯  
顧命俾貫通弘征鯨湯原取乃吉金用作  
寶尊彝用康西夏安懷遠廷君子晉姜用  
蘄綽綽眉壽作敷爲函萬年無疆用享用  
德峻保其子孫三壽是利

毛伯敦銘

惟二年正月初吉王在周邵宮丁亥王格

于宣榭毛伯內門立中廷佑祝邠王呼內  
史冊命邠正曰邠昔先王旣命汝作邑繼  
五邑祝今余惟曠商乃命錫汝赤芾彤冕  
齊黃鑿旂用事邠拜稽首敢對揚天子休  
命邠用作朕皇考龔伯尊敦邠其眉壽萬  
年無疆子子孫孫永實用享

韓城鼎銘

惟王九月乙亥晉姜曰余惟嗣朕先姑君  
晉邦余不叟妄寧至雖明德宣邠我猷用

函厥辟辟姪易久光剿虔不墜諸覃享以  
釐我萬民嘉遺我錫胃賁千兩勿法文侯  
顧今俾貫通弘征繁湯員受久吉金用作  
寶尊鼎用康西夏綏懷遠邦君子晉姜用  
祈綽綽眉壽考缺爲極萬年無疆用享用  
德眈保孫子三壽是利

周郊鼎銘

王命尸臣官此邠邑賜爾旂鸞黼黻琫戈  
尸臣拜手詣首曰敢對敷天子丕顯休命

衛靈公沙丘石槨銘  
不憑其子靈公奪而里

金石古文卷三

秦詛楚文

久湫久讀作故

又通作秦嗣王敢用吉玉瑄璧使其宗祝

邵馨布愍告于不顯大沉久湫以底楚王

熊相之多罪昔我先君穆公及楚成王寔

戮力同心兩邦若一絆以婚姻衿以齊盟

曰葉萬子孫毋相為不利親仰大成久湫

而質焉今楚王熊相康讀作庸回無道淫泆



耽亂宣侈競縱變渝盟刺內之則則暴雲  
不辜戮孕婦幽刺親戚拘圉其叔父寘諸  
寘室橫棺之中外之則冒改久心不畏皇  
天上帝及大沈久湫之光烈威神而兼倍  
十八世之詛盟率諸侯之兵以臨加我欲  
剗伐我社稷伐滅我百姓求蔑法皇天上  
帝及大沉久湫之卹祠圭玉犧牲逮取我  
邊城新郢音皇及郟音於長親我不敢曰可今  
又悉興其衆張矜億怒飾甲底兵奮士盛

師以偏我邊境將欲復其音迹唯是秦

邦之羸衆敝賦鞫音讀作鞫音俞棧輿禮使介

老將音去之以自救也亦應受皇天上帝及

大沉久湫之幾靈德賜克劑楚師且復略

我邊城敢數音上楚王熊相之倍盟犯詛著

諸石章以盟大神之威神

巫咸音文與久湫同

亞馳音文與巫咸同音呼池

右秦詛楚文凡三曰久湫曰巫咸曰

亞馳其石皆出宋世說者謂初得巫  
咸文於鳳翔次得久湫文於渭又次  
得亞馳文於洛其詞則一惟告於神  
者隨號而異自石文之出黃魯直張  
芸叟皆有訓釋歐陽公董彥遠王順  
伯皆有論辨世必猶有存者偶未之  
見俟尋訪以校今音之異同又東坡  
鳳翔八觀詩嘗紀其事舊在府廡宣  
和中歸御府云

登鄒嶧山刻石文

皇帝立國維初在昔嗣世稱王討伐亂逆  
威動四極武義直方戎臣奉詔經世不久  
滅六暴強二十有六年上薦高號孝道顯  
明旣獻恭成乃降專惠親巡遠方登于嶧  
山羣臣從者咸思攸長追念亂世分土建  
邦以開爭理攻戰日作流血于野自恭古  
始世無萬數也及五帝莫能禁止迺今皇  
帝一家天下兵不復起災害除滅黔首康

定利澤長久羣臣誦略刻此樂石以著經紀

登泰山刻石文

皇帝臨位作制明法臣下修飭二十有六年初并天下罔不賓服親巡遠方黎民登茲泰山周覽東極從臣思迹本原事業祇誦功德治道運行諸產得宜皆有法式大義休明垂于後世順承勿革皇帝躬聖旣平天下不懈于治夙興夜寐建設長利專隆教誨訓經宣達遠近畢理咸承聖志貴賤分明男女禮順慎遵職事昭隔內外靡不清淨施于後嗣化及無窮遵奉遺詔永承重戎

登琅邪臺刻石文

維二十六年皇帝作始端平法度萬物之紀以明人事合同父子聖智仁義顯白道理東撫東土以省卒士事已大畢乃臨于海皇帝之功勤勞本事上農除未黔首是

富普天之下搏心揖志器械一量同書文字日月所照舟輿所載皆終其命莫不得意應時動事是維皇帝匡飭異俗陵水經地憂恤黔首朝夕不懈除疑定法咸知所辟方伯分職諸治經易舉錯必當莫不如畫皇帝之明臨察四方尊卑貴賤不踰次行姦邪不容皆務貞良細大盡力莫敢怠荒遠邇辟隱專務肅莊端直敦忠事業有常皇帝之德存定四極誅亂除害興利致

福節事以時諸產繁殖黔首安寧不用兵革六親相保終始無寇賊驩欣奉教盡知法式六合之內皇帝之王西涉流沙南盡北戶東有東海北過大夏人迹所至無不臣者功蓋五帝澤及牛馬莫不受德各安其宇維秦王兼有天下立名爲皇帝乃撫東土至于琅邪列侯武城侯王離列侯通武侯王貴倫侯建成侯趙亥倫侯昌武侯成倫侯武信侯馮毋擇丞相隗林丞相王

縮卿李斯卿王戊五大夫趙嬰五大夫楊  
樛從與議于海上曰古之帝也地不過千  
里諸侯各守其封域或朝或否相侵暴亂  
殘伐不止猶刻金石以自爲紀古之五帝  
三王知教不同法度不明假威鬼神以欺  
遠實不稱名故不長久其身未歿諸侯陪  
叛法令不行今皇帝并一海內以爲郡縣  
天下和平昭明宗廟體道行德尊號大成  
羣臣相與誦皇帝功德刻于金石以爲表

經

登之罘山刻石文

維二十九年時在中春陽和方起皇帝東  
游尋登之罘臨照于海羣臣嘉觀原念休  
烈追誦本始大聖作治建定法度顯著綱  
紀外教諸侯光施文惠明以義理六國回  
辟貪戾無厭霄殺不已皇帝哀衆遂發討  
師奮揚武德義誅信行威燁旁達莫不賓  
服烹滅強暴振救黔首周定四極普施明

法經緯天下永爲儀則大矣哉宇縣之中  
承順聖意羣臣誦功請刻于石垂于常式  
刻碣石門文  
遂興師旅誅戮無道爲逆滅息武殄暴逆  
文復無罪庶心咸服惠論功勞賞及牛馬  
恩肥土域皇帝奮威德并諸侯初一泰平  
墮壞城廓決通川防夷去險阻地勢既定  
黎庶無絲天下咸撫男樂其疇女脩其業  
事各有序惠被諸產久竝來田莫不安所

羣臣誦烈請刻此石垂著儀矩

登會稽山刻石文

皇帝休烈平一宇內德惠攸長一十有七  
年親巡天下周覽遠方遂登會稽宣省習  
俗黔首齋莊羣臣誦功本原事迹追道高  
明秦聖臨國始定刑名顯陳舊章初平法  
式審別職任以立恒常六王專僂貪戾傲  
猛率衆自疆暴虐恣行負力而驕數動甲  
兵陰通間使以事合從行爲辟方內飭詐

謀外來侵邊遂起禍殃義威殊之殄熄暴  
悖亂賊滅亡聖德廣密六合之中被澤無  
疆皇帝并宇兼聽萬事遠近畢清運理羣  
物考驗事實各載其名貴賤竝通善否陳  
前靡有隱情飭省宣義有子而嫁倍死不  
貞防隔內外禁止淫泆男女潔誠夫爲寄  
豨殺之無罪男秉義程妻爲逃嫁子不得  
毋咸化廉清大治濯俗天下承風蒙被休  
經皆遵軌度和安敦勉莫不順令黔首脩

潔人樂同則嘉保太平後敬奉法常治無  
極輿舟不傾從臣誦烈請刻此石光垂休  
銘

秦蜀守李冰誓江神碑

竭不至足盛不沒腰

秦蜀守李冰湔壩堰官碑

深淘潭淺包隄

潭古灘字隄即堰也

冰在蜀治水澤利民功烈盛矣誓神  
而神至今不敢違之教民而民至今

不能違之其文又簡古如此真異人  
哉

金石古文卷四

漢魯相置孔子廟卒史碑

司徒臣雄司空臣戒稽首言魯前相瑛書  
言詔書崇聖道勉闕藝孔子作春秋制孝  
經闕二五經演易繫辭經緯天地幽讚神

明故特立廟褒成侯四時來祠事已卽去  
廟有禮器無常人掌領請置百石卒史一  
人典主守廟春秋饗禮財出王家錢給大  
酒直須報謹問大常祠曹掾馮牟史郭玄



辭對故事辟雍禮未行祠先聖師侍者孔子子孫太宰太祝令各一人皆備爵太常丞監祠河南尹給牛羊豕雞闕二各一大字司農給米祠臣愚以為如瑛言孔子大聖則象乾坤為漢制作先世所尊祠用衆牲長吏備闕二字欲加寵子孫敬恭明祀傳于罔極可許臣請魯相為孔子廟置百石卒史一人掌領禮器出王家錢給大酒直他如故事臣雄臣戒愚懃誠惶誠恐頓首頓

首死罪死罪臣稽首以聞制曰可元嘉三年二月二十七日壬寅奏洛陽宮

元嘉三年三月丙子朔廿七日壬寅司徒雄司空戒下魯相承書從事下當用者選其年四十以上經通一藝雜試通利能奉弘先聖之禮為宗所歸者如詔書書到言永興元年六月甲辰朔十八日辛酉魯相平行長史事卞守長擅叩頭死罪敢言之司徒司空府壬寅詔書為孔子廟置百石

卒史一人掌主禮器選年四十以上經通  
一藝雜試能奉弘先聖之禮爲宗所歸者  
平叩頭叩頭死罪死罪謹案文書守文學  
掾魯孔和師孔憲戶曹史孔覽等雜試和  
脩春秋嚴氏經通高第事親至孝能奉先  
聖之禮爲宗所歸除和補名狀如牒平惶  
恐叩頭死罪死罪上司空府

讚曰巍巍大聖赫赫彌章相乙瑛字少卿  
平原高唐人令鮑豐字文公上黨屯留人

政教稽古若重規

闕

乙君察舉守宅除吏

孔子十九世孫麟廉請置百石卒史一人

鮑君造作百石吏舍功垂無窮於是始

闕

右漢魯相置孔子廟卒史碑今在曲

阜蓋魯相乙瑛上書請置百石卒史

一人典主守廟司徒吳雄司空趙戒

以聞制從之蓋在元嘉三年三月後

魯相平補以孔和上書於司空府則

永興元年六月也攷之范史桓帝紀

元嘉惟有二年碑云元嘉三年三月  
者蓋是年五月始改永興至十月而  
雄戒亦罷免矣

此碑殘闕據宋洪丞相隸釋錄其全  
文蓋漢文高古難得將以供學士大  
夫之嗜好而不特此碑然也凡予之  
錄漢刻其殘闕者皆以洪本足之

漢魯相晨孔子廟碑

建寧二年三月癸卯朔七日巳酉魯相臣

晨長史臣謙頓首死罪上尚書臣晨頓首  
頓首死罪死罪臣蒙厚恩受任符守得在  
奎婁周孔舊寓不能闡弘德政恢崇壹變  
夙夜憂怖累息屏營臣晨頓首頓首死罪  
死罪臣以建寧元年到官行秋饗飲酒泮  
宮畢復禮孔子宅拜謁神坐仰瞻椽桷俯  
視凡筵靈所馮依肅肅猶存而無公出酒  
脯之祠臣卽自以奉錢脩上案食醑具以  
敘小節不敢空謁臣伏念孔子乾坤所挺

西狩獲麟爲漢制作故孝經援神契曰玄  
丘制命帝卯行又尚書考靈耀曰丘生倉  
際觸期稽度爲赤制故作春秋以明文命  
綴紀撰書脩定禮儀臣以爲素王稽古德  
亞皇代雖有褒成世享之封四時來祭畢  
卽歸國臣伏見臨壁雍曰祠孔子以太牢  
長史備爵所以尊先師重教化也夫封土  
爲社立稷而祀皆爲百姓興利除害以祈  
豐穰月令祀百辟卿士有益於民矧乃孔

子玄德煥炳光于上下而本國舊居復禮  
之日闕而不祀誠朝廷聖恩所宜特加臣  
寢息耿耿情所思惟臣輒依社稷出王家  
穀春秋行禮以供禋祀餘闕賜先生執事  
臣晨頓首頓首死罪死罪臣盡力恩惟庶  
政報稱爲效增異輒上臣晨誠惶誠恐頓  
首頓首死罪死罪上尚書

昔在仲尼叶光之精大帝所挺顏母毓靈  
承敝遭衰黑不代倉闕不應聘嘆鳳不臻

自衛反魯養徒三千獲麟趣作端門見徵  
血書著紀黃玉饗應主爲漢制道審可行  
乃作春秋復演孝經剛定六藝象興天談  
鈎河摘洛却揆未然巍巍蕩蕩與乾比崇  
魯相晨孔廟後碑

相河南史君諱晨字伯時從越騎校尉拜  
建寧元年四月十一日戊子到官乃以今  
日拜闕孔子望見闕觀式路處器旣至升  
堂屏氣拜手祇肅屑僂髮鬣若在依依舊

宅神之所安春秋復禮稽度玄靈而無公  
出享獻之闕字欽因春饗道物嘉會述脩  
璧雍社稷品制卽上尚書參以符驗乃敢  
承祀餘胙賦賜刊石勒銘并列本奏大漢  
延期彌歷億萬

時長史廬江舒李謙敬讓五官掾魯孔暢  
功曹史孔淮戶曹掾薛東門榮史文陽馬  
琮守廟百石孔讚副掾孔綱故尚書孔立  
元世河東大守孔彪元上處士孔褒文禮

金石古文  
皆會廟堂國縣員冗吏無大小空府竭寺  
咸俾來觀并泮宮文學先生執事諸弟子  
合九百七人雅歌吹笙考之六律八音克  
諧蕩邪反正奉爵稱壽相樂終日於穆肅  
雍上下蒙福長享利貞與天無極

史君饗後部史仇誦縣吏劉耽等補完里  
中道之周左牆垣壞決作屋塗色脩通大  
溝西流里外南注城池恐縣吏斂民侵擾  
百姓自以城池道濡麥給令還所斂民錢

并史君念孔瀆顏母井去市道遠百姓酤  
買不能得香美酒肉於昌平亭下立會市  
因彼左右咸所願樂

又勅瀆井復民飭治桐車馬於瀆上東行  
道表南北各種一行梓  
假大子家顏母井舍及魯公家守吏凡四  
人缺與佐除

漢魯相造孔廟禮器碑

惟永壽二年青龍在涖歎霜月之靈臯極

之日魯相河南京韓君追惟太古華胥生  
皇雄顏闕育闕寶俱制元道百王不改孔  
子近聖爲漢定道自天王以下至于初學  
莫不驢思嘆印師鏡顏氏聖舅家居魯親  
里并官聖妃在安樂里聖族之親禮所宜  
異復顏氏并官氏邑中闕一發以尊孔心  
念聖歷世禮樂陵遲秦項作亂不尊圖書  
背道畔德離敗聖輿食糧亡于沙丘君於  
是造立禮器樂之音符鍾磬瑟鼓雷洗觴

觚爵鹿俎椹籩柝禁壺脩飾宅廟更作二  
輿朝車威熹宣杼玄汗以注水流法舊不  
煩備而不奢上合紫臺稽之中和下合聖  
制事得禮儀於是四方士仁聞君風耀敬  
咏其德尊琦大人之意遠彊之思乃共立  
表石紀傳億載其文曰

皇闕一統華胥承天畫卦顏育空桑孔制  
元孝俱祖紫宮太一所授前門九頭以什  
言教後封百王獲麟來吐制不空作承天

之語乾元以來三九之載八皇三代至孔  
乃備聖人不世期五百載三陽吐圖二陰  
出識制作之義以俟知闕一於穆韓君獨  
見天意復聖二族連越絕思脩造禮樂胡  
璉器用存古舊宇愍懃宅廟朝車威熹出  
誠造闕漆不水解工不畢賈深除玄汗水  
通闕注禮器升堂天雨降澍百姓訥和舉  
國蒙慶神靈祐誠竭敬之報天與厥福永  
享牟壽上極華紫旁伎皇代刊石表銘與

乾運耀長期蕩蕩於盛復授赫赫罔窮聲  
垂億載

韓明府名勅字叔節潁川長社王玄君真  
二百河東大陽西門儉元節二百故涿郡  
太守魯廡次公五千故會稽太守魯傅世  
起千故樂安相魯廡季公千故從事魯張  
嵩眇高五百相主簿魯薛陶元方三百相  
史魯周乾伯德三百

韓勅碑陰



故涿郡太守魯庶次公五千故從事魯張  
嵩眇高五百潁川長社王玄真二百故會  
稽太守魯傳世字闕一千相主簿魯薛陶元  
方三百河東太陽西門儉元節二百故樂  
安相魯庶季字闕一千字闕一相史魯周乾伯  
德三百曲成侯王暘二百遼西陽樂張普  
仲堅二百潁川長社王季孟三百故督郟  
魯趙輝彥臺二百河南成臯蘇漢明二百  
其人處士汝南宋公國陳漢方二百郎中

魯克宙季將千河南雒陽种亮奉高五百  
故山陽南平陽陳漢甫二百御史魯孔翊  
元世千故兗州從事任城呂育季華三千  
任城番君舉二百太尉掾魯孔凱仲第千  
故下邳令東平陸王哀文博千任城王子  
松二百魯孔曜仲曜二百魯孔儀甫字闕一  
百故潁陽令文陽鮑宮元威千任城謝伯  
威二百處士魯孔方廣率千河南雒陽李  
申伯百任城高伯世二百魯孔巡伯陽二

百文陽蔣元道二百趙國邯鄲宋鎮元世

二百相主簿薛曹字關一濟興三百魯孔憲

字關一則關文陽字關二文豫二百彭城廣關

字一姜尋孔長二百相中賊史薛紹興公二

百尚書侍郎魯孔彪元上三千平原樂陵

朱恭敬公二百薛字關一高字關三魯孔字關一

漢光三百南陽宛張光仲孝二百平原隰

陰馬二元冀二百相史卞呂松遠百守廟

百石魯孔恢聖文千彭城龔治世平二百

駢韋仲卿二百裒成侯魯孔建壽千河南

雒陽王敬子慎二百泰山鮑丹漢公二百

處士魯劉靜子著千故從事魯孔樹君德

千京兆劉安初二百故薛令河內溫朱熊

伯珍五百故從事魯王陵少初二百魯孔

朝升高二百魯石子重二百下邳周宣光

二百故豫州從事蕃加進子高千故督郵

魯升輝景高二百故平陵令魯蔗侯元世

五百行義掾魯弓如叔都二百河間東州

齊伯宣一百魯曹性初孫二百魯劉仲臣

二百北海劇袁隆展世百陳國苦虞崇伯

宗二百魯字關一元達二百魯夏侯廬頭百

魯周房伯臺百東海傅河東臨汾敬謙字

季松千關尉字關五安季興五百相守史諱

在芳世祖二百魯孔建壽二百特令漢中

南鄭趙寡學子關魯曹壽文關相字關六賜

公字關一輝世平百故丞魏令河南京丁璫

叔舉五百河浦退師度關澤賢字關二魯傳

字關一子豫二百侯我交父治真百東郡武

陽桓仲豫二百左尉北海一趙福字仁直

五百南陽平氏字關四二百魯字關二三百魯

孔昭叔祖百元廬城子二百出陽瑕丘九

百元臺三百魯齊伯賢二百河東臨汾敬

字關一子直千泰山鎮平韋仲元二百字關二

狼子二百國廣張達平二百其字關一處士

魯劉聖長二百河南雒陽左叔虞二百泰

山費淳于陵季遺二百上黨長子楊萬子

三百河南偃師骨字闕一通國字闕二東郡武

陽董氏 二百故字闕二侯相彭城劉字闕一

伯存五百處士魯孔徵子字闕一二百河南

平陰樊文高二百

右韓勅碑陰隸釋所載凡六十有二

人較予家舊搨本闕三十有八人隸

釋始曲成侯王暲終洛陽王敬予家

本則始涿郡太守魯庶次公終河南

樊文高又有大不同者豈隸釋得之

傳錄故有此誤要當以搨本為是抑

此及史晨後碑歐陽公最號博古皆

未之見唯趙氏金石錄有之

漢泰山都尉孔宙碑

君諱宙字季將孔子十九世之孫也天姿

醇嘏齊聖達道少習家訓治嚴氏春秋緝

熙之業既就而閨闈之行允恭德音孔昭

遂舉孝廉除郎中都昌長祗傳五教尊賢

養老躬中恕以及人兼禹湯之非已故能

興朴

字闕二

彫幣濟弘功於易簡三載考績

遷元城令是時東嶽首首猾夏不

字闕三祠

兵遺畔未寧乃摺君典戒以文脩之旬月

之間莫不解甲服罪

字闕三

擢田畷喜于荒

圃商旅交乎險路會鹿鳴於樂崩復長幼

於酬酢

字闕三

稔會遭篤病告困致休得從

所好年六十一延熹六年正月乙未

字闕三

疾貴速朽之反真慕寧險之遺則窀夕不

華明器不設凡百卯高

字闕三

述於是故吏

門人乃共陟名山采嘉石勒銘示後俾有

彝式其辭曰

於顯我君懿德惟光紹聖作儒身立名彰

貢登王室間

闕

是更夙夜

字闕二

在公明明

乃綏二縣黎儀以康於天時靡撫茲岱方

字闕一

彼凶人覆俾

字闕二

南畝孔盭山有夷

行豐年多黍稱彼兕觥帝賴其勳民斯是

皇疾

字闕三

乃委其榮忠告慤懃屢省乃聽

恭儉自終簠簋不陳生播高譽沒垂令名

永矢不刊億載揚聲延熹七年七月戊闕  
造

門生故吏名

門生鉅鹿癭陶張雲字子平門生鉅鹿癭  
陶趙政字元政門生鉅鹿廣宗捕巡字升  
臺門生東平寧陽韋勳字幼昌門生魏郡  
館陶張上字仲舉門生魏郡館陶王時字  
子表門生魏郡陰安張典字少高門生魏  
郡魏孟忠字待政門生魏郡魏李鎮字世

君門生魏郡館陶吳讓字子敬門生魏郡  
館陶文儉字元節門生魏郡館陶鄉瑱字  
仲睢門生魏郡鄴叔香字伯子門生東郡  
東武陽梁淑字元祖門生東郡衛公國趙  
恭字和平門生東郡東武陽張表字公方  
門生東郡東武陽滕穆字奉德門生東郡  
樂平桑演字仲厚門生東郡樂平靳京字  
君賢門生東郡樂平梁布字叔光門生東  
郡樂平桑顯字伯異門生陳留平丘司馬

規字伯昌門生安平下博張祺字顛松門  
生安平下博張朝字公房門生安平下博  
蘇觀字伯臺門生安平堂陽張琦字子異  
門生北海安丘齊納字榮謀門生北海都  
昌呂升字山甫門生北海劇秦麟字伯麟  
門生北海劇如廬浮字遺伯門生北海劇  
薛鄒字勝輔門生北海劇高冰字季超門  
生濟南梁叔趙震字鄒政門生濟南梁鄒  
徐璜字幼文門生濟南東平陵吳進字升

臺門生甘陵廣川李都字元章門生甘陵  
具丘賀曜字升進門生魏郡清淵許祺字  
升明門生魏郡館陶史崇字少賢門生魏  
郡館陶孫忠字府文門生東郡樂平盧精  
字子節門生任城任闕二字景漢門童安  
平下博張忠字公直故吏北海都昌逢祈  
字伯憲故吏北海都昌璵章字文理故吏  
北海都昌魏稱字文長故吏北海都昌呂  
規字元規故吏泰山費魚淵字漢長故吏

泰山華母樓覬字世光故吏泰山南城禹  
規字世舉故吏泰山南武陽蕭誨字伯謀  
故民泰山費淳干黨字季闕弟子北海劇  
陸暹字盍輔弟子陳留襄邑樂禹字宣舉  
弟子下邳下邳朱班字宣闕弟子東平寧  
陽周順字承闕弟子沛國小沛周升字仲  
甫弟子魯國文陽陳褒字聖博弟子汝南  
平輿謝洋字子讓弟子山陽瑕丘丁瑤字  
實堅弟子魯國戴璋字元珪弟子魯國卞

王政字漢方

右孔宙碑陰不云碑陰而云門生故  
吏名此漢碑中之僅見者前碑云故  
吏門人陟山采石勒銘示後則此所  
載皆其人也今按宙門生四十二人  
門童一人弟子一人故吏八人故民  
一人隸釋謂漢儒開門授徒親受業  
者則曰弟子次相傳授則曰門生未  
冠則曰門童總而稱之亦曰門生舊



金石古文  
所治官府其掾屬則曰故吏占籍者  
則曰故民非吏非民則曰處士素非  
所蒞則曰義士義民此皆讀漢碑者  
之所當知而隸釋人間少傳故著之

金石古文卷五

漢博陵太守孔彪碑

君諱彪字元上孔子十九世之孫潁川君  
之元子也君少履天姿自然之匹帥禮不  
爽好惡不愆考衷度衷脩身踐言龍德而  
學不至於穀浮游塵埃之外躡焉汜而不  
俗郡將嘉其所履前後聘召蓋不得已乃  
翻爾束帶弘論窮理直道事人仁必有男  
可以託六授命如毛諾則不宿美之至也

莫不歸服舉孝廉除郎中博昌長疾病留

宿闕遷闕京府丞未出京師遭大君憂泣

踰臯魚喪過乎哀謹畏舊章服竟還署試

拜尚書侍郎無偏無黨遵王之素薦可黜

否出闕二度日恪位佇所在祇肅拜治書

御史膺臯陶之闕一恕闕二參之闕五律

祇用既平闕博陵太守郡阻山闕二以饑

饉斯多草竊罔不闕賊劉闕一張丙等白

日攻剽坐家不命君下車之初闕五教以

博闕削四凶以勝殘乃闕三爰尚桓桓拯

馬蠲害醜類已殫路不拾遺斯民以安發

號施憲每合天心闕之所惡不以強人義

之所欲不以闕三姓樂政而歸于德望如

父母順如流水遷下邳相河東太守舉此

闕二君子風也未怒而懼不令而從雲行

雨施闕二大和海內歸公卿之任矣勞而

不伐有實若虛固執謙需以病辭官去位

闔闕以孝竭闕餘暇徠彈琴擊磬闕二

之味而不改其靜上帝棊謔天秩未究將

據師輔之紀闕綱闕疾彌流乃碩乃闕二

卅九建寧四年七月辛未字闕三哀哉魂神

超邁寂兮冥冥遺孤忉絕于嗟想形字闕二

哀遠念不欲生羣臣號咷靡所復逞夫逝

往不可追兮功字闕三識惟君之軌迹兮如

列宿之錯置易建八卦撥肴敷辭述而不

作彭祖賦詩皆讚所見于時頌字闕二是闕

吏崔字闕三王沛等伏信好古敢詠顯闕乃

刊斯石欽銘洪基昭示後昆申錫鑒思其

辭曰

穆穆我君大聖之胄惇懿允元獻其玄秀

惟嶽降精誕生忠良奉應郡貢亮彼我闕

克明王道辯物居方周字闕四也匹名朝無

秕政直哉惟清出統華夏化以典成闕猾

殄迸賢倚闕庭帝重乃勛自字闕二征所臨

如神字闕六之翰先民是程宜乎三事金鉉

利貞而絜白駒俾世憤惻當享眉耆莫匪

爾極大

字關三

邈矣不意于嗟悲兮

字關三

息

湯湯庶幾復焉所力咨乎不朽沒而德存  
伊尹之休格于皇天惟我君績表于丹青  
永永無沂與日月并于嗟

字關二

于以慰靈

孔彪碑陰

故吏司徒掾博陵安平崔烈字威考故吏

齊關博陵安平崔恢字行孫故吏桑氏令

博陵安平王沛字公豫故吏司空掾博陵

安國劉德字伯桓故吏外黃今博陵安國

劉揚字子長故吏白馬尉博陵博陵齊智

字子周故吏五官掾博陵安平劉麟字幼

公故吏五官掾博陵安平王瑤字顯祖故

吏五官掾博陵安平孟循字敬節故吏五

官掾博陵高陽史應字子聲故吏五官掾

博陵南深澤程祺字伯友故吏五官掾博

陵南深澤程祚字元祐故吏五官掾博陵

安國劉機字關閣

漢司隸校尉魯峻碑

君諱峻字伸嚴山陽昌邑人其先周文公  
之頌字闕二伯禽之懿緒以載于祖考之  
銘也君則監營謁者之孫脩武令之子體  
純和之德秉仁義之操治魯詩兼通顏氏  
春秋博覽羣書無物不看學爲儒宗行爲  
主表漢闕始佐職牧守敬恪恭儉州里  
歸稱舉孝廉除郎中謁者河內太守丞喪  
父如羣禮司徒府舉高第侍御史東郡頓  
丘令視事四年比縱豹產化行如流遷九

江太守闕殘酷之刑行循吏之道統政闕  
載穆若清風有黃霸召信臣在潁南之歌  
以公事去官休神家術未能一碁爲司空  
王暢所舉徵拜議郎大尉長史御史中丞  
延熹七年二月丁卯拜司隸校尉董督京  
輦掌察羣字闕一蠲細舉大權然疏發不爲  
小威以濟其仁朔中獨斷以效其節案奏  
關公彈紕五卿華夏祇肅佞穢者遠遭毋  
憂自乞拜議郎服竟還拜屯騎校尉以病

遜位守疏廣止足之計樂於陵灌園之潔  
閉門靜居琴書自娛年六十一熹平元年  
關月癸卒明年四月庚子葬於是門生汝  
南干關沛國丁直魏郡馬萌勃海呂圖任  
城吳盛陳留誠屯東郡夏侯弘等三百廿  
人追惟在昔游夏之徒作謚宣尼君事帝  
則忠臨民則惠乃昭告神明謚君曰忠惠  
父息叡不才弱冠而孤承堂弗構析薪弗  
何悲蓼莪之不報痛昊天之靡嘉

關一企字

有紀能不號嗟刊石敘哀其銘曰

巖巖山岳礪落彰輭棠棠忠惠令德孔爍  
命關時生雅度弘綽允文允武厥姿烈連  
內懷溫潤外撮強虐督司京師穆然清邈  
當關緝職爲國之權匪究南山遐邇惻惻  
凡百君子欽謚嘉樂永傳童齡晚矣昫昫  
右漢司隸校尉魯峻碑水經注以峻  
爲恭趙氏謂方輿志寰宇記皆作峻  
而辨水經之誤予家舊藏此碑峻字

明白可識趙氏果有其本何乃不知而必欲證之以地里書也歐陽公謂峻最後爲屯騎校尉而碑首題云司隸校尉莫曉其義隸釋云漢人碑志或以所重之官揭之司隸官尊而職清非列校可比故書之也此足以祛歐公之惑鄭夾漈又謂此碑書於蔡邕按徐浩古迹記其敘邕書惟三體石經西岳光和殷華馮敦數碑及考其他字書亦未聞邕嘗書此不知鄭氏何所據也

魯峻碑陰

故吏河內字關一官字關一幼流字關三故吏九

江壽春陳龔伯字關一五百故吏九江壽春

任字關一孝長五百故吏東郡領兵許踰伯

通五百門生沛國丁良字關一榮千門生勃

海字關二呂字關一世階千門生東郡汝陽敢

敦登高千門生汝南召陵于商明公五百

門生南陽新野字闕一顥文字闕一五百門生

平原字闕一一路龍顯公五百門生任字闕一樊

兒字闕一太平五百門生平原樂陵路福世

輔三百門生魏郡字闕一丘李牧君伯三百

門生魏郡繁陽王輔子助三百門生河東

郡字闕一陽字闕二文智三百門生汝南汝陽

郡立字闕二三百門生東郡字闕一邑字闕三松

二百門生東郡字闕一平字闕四二百門生東

郡樂平字闕一顯字闕二二百門生東郡樂平

字闕四二百門生魏郡內黃字闕四三百門生

東郡字闕一陽王字闕一少字闕一二百門生汝

南滙强尹稜字闕二二百門生汝南滙强尹

顥字闕二二百門生勃海南皮劉扶節字闕一

二百門生勃海南劉盛興字闕二二百門生

河間阜成東鄉晨子字闕一二百門生河間

阜成東鄉恭公二百門生平原西平昌劉

本景字闕一二百門生平原張謙伯讓二百

門生陳留尉氏夏統子思二百門生濟陰

門生陳留尉氏夏統子思二百門生濟陰



陳氏許仁伯德二百門生濟陰闕一孤周  
維元興二百義士梁國寧陵及強強良二  
百

右魯峻碑陰歐陽公趙明誠皆失收  
錄至洪丞相隸釋於漢碑搜羅殆盡  
而亦復遺焉予家此碑不特人間少  
有且文字龕完可讀惜不令三公見  
之

漢北海相景君碑

惟漢安二年仲秋闕二故北海相任城景

府君卒嗚呼哀哉國闕二寶英彥闕一疇

列宿虧精晚學後時子何穹蒼布命授期

有生有死天寔爲之豈夫仁哲彼克不遺

於是故吏諸生相與論曰上世羣后莫不

流光闕於無窮垂芬耀於書篇身歿而行

明體亡而名存或著形像於列圖或繫頌

於管弦後來永其烈竹帛敘其勳乃作誄

曰

彥字下是夫字

蒼碑作倉

彼碑作收克作剋

永碑作詠

金石錄

碑

質碑作質

剋

柔碑作柔

樂碑作商

戀碑作寧作碑作伯

英字拜字碑作英辨

鄰邦碑作鄰邦惡作戀

伏惟明府受質自天孝弟淵懿帥禮蹈仁  
根道核藝抱淑守真晶白清方克已治身  
寔柔寔剛乃武乃文遵考孝謁假階司農  
流德元城興利惠民強禦改節微弱蒙恩  
威立澤宣化行如神帝嘉厥功授以符命  
守郡益州路遐戀親躬作遜讓夙宵朝廷  
建英忠讜拜秩東行璽追嘉錫據北海相  
部城十九鄰邦歸向分明好惡先以敬讓  
殘偽易心輕黠踰竟鴉梟不鳴分子還養

元元鰥寡蒙祐以寧蓄道脩德闕社以榮  
紛紛令儀明府體之仁義道術明府膺之  
黃朱邵父明府三之台輔之任明府宜之  
以病被徵委位致仕民闕思慕遠近搔首  
農夫釋耒商人空市隨舉歛淚奈何朝廷  
奪我慈父去官未旬病乃困危珪璧之質  
臨卒不回獻闕賈絕奄忽不闕孝子慙惶  
顛倒剝摧遂闕克寤永潛長歸州里鄉黨  
隕涕奔哀故吏怙恒獻欵闕一何四海冠

釋碑作驛

質

剋

個字上碑有個字疑即個字  
徑與道同疾行也

金石古

卷

慟懷碑作慟哀

辭碑作願洪氏錄釋云亂省其也

韓字上碑有景字洪氏錄釋云鼎韓書無韓字當借作拂即輔拂之義 弄碑其

蓋驚慟傷懷大命闕期寔惟天闕明主設位明府不就臣子欲養明府弗留嗚呼哀哉

辭曰考績幽安闕三闕今闕四闕翔議郎今再

命虎將綏元元今規英榘謨主忠信今羽

衛藩屏撫萬民今闕四闕恩闕二闕今宜參闕一

字闕韓闕幹禎今不永糜壽弃臣子今仁敷

海外著甘棠今闕石勒銘闕不亡今

右北海相景君碑金石錄云在濟州

任城縣蓋任氏在漢為任城人也予

按濟州即今之濟寧州今碑乃在州

學不知何年移置於此通志金石略

以不知其地故直云未詳姚江謝中

舍大中近過濟寧搨以見惠予家自

祖宗來藏碑頗富兼以予好收錄中

間得於朋友之助者十常四五如此

碑是也

北海相景君碑陰

故字闕一中部督郵都昌尹忠字定公故門

下督盜賊劇字闕一頌字字闕一遠故門下議

史平昌蔡規字仲舉故門下書佐字闕一陵

孫榮字世榮故門下書佐淳于逢字闕一字

字闕一成故騎吏劇字闕一麟字字闕一石故吏

朱虛孫徵字武字闕一故吏營陵薛逸字伯

踰故吏營陵字闕二字中字闕一故吏都昌呂

福字益字闕一故吏都昌強字闕一字光字闕一

故書佐都昌羽質字孟字闕一故書佐字闕一

虛字闕二字君大故書佐字闕一壽淳于字闕四

故書佐營陵徐昌字昌善故書佐都昌字闕一

字彤字字闕一甫故書佐淳于孫字元字闕一

故書佐營陵鍾顯字字闕一寶故書佐東安

平字闕一廣字廣宗故書佐劇紀政字世堅

故書佐淳于孫晄字威光故脩行都昌台

丘暹字世德故脩行都昌董方字季方故

脩行營陵曾字闕一字漢興故脩行都昌字闕二

字字闕一久故脩行營陵字闕二字護宗故

脩行營陵

字闕一

暹字武

字闕一

故脩行營陵

臨照字景耀故脩行都昌張駿字臺

字闕一

故脩行營陵淳于登字登成故脩行營陵

顏理字中理故脩行營陵水丘郎字君

字闕一

字故脩行都昌呂興字世興故脩行都昌

逢進字世安故書佐劇徐德字漢昌故書

佐劇姚進字元豪故書佐劇邴鍾字元鍾

故書佐都昌張翼字元翼故脩行都昌張

字闕一字季遠故脩行劇中字闕一字季遠故

脩行平

字闕二

允字伯允故脩行淳于趙尚

字進卿故脩行都昌段晉字世節故脩行

都昌齊晏字

字闕一

子故午營陵

字闕一

遷字

世達故午營陵昌敏字元成故午淳于董

純字元祖故午營陵王良字世勝故午朱

虛炁詩字孟道故午都昌呂立遷字孟堅

故字闕二都昌齊冰字文達故

字闕二

都昌張

亮字元亮

字闕二字肅

故臣吏慎終追遠

字闕六

墳園

闕二禮備陵成闕一立樹列既就聖典有

制三闕三墓側歲壞闕六遺辭以明闕三

靈瑕顯降吾嘉祐

漢敦煌長史武班碑

建和元年太歲在丁亥二月辛巳朔廿叁

日癸卯長史同闕下

郭煌長史武君諱班字宣張昔殷王武丁

久伐鬼方元功章炳勲藏王府官族分折

因以為氏焉武氏蓋其後也適周遐邇歷

世曠遠不隕其美漢興以來爵位相踵闕

朝忠臣君幼闕顏閔之闕一質長敷游夏

之文學慈惠寬闕孝有玄妙苞羅術藝貫

洞聖闕博兼闕二耽綜典籍闕二純求福

不回清聲美行闡形遠近州郡貪其高賢

闕二請以闕二歲舉闕翼紫宮闕二詔除

光顯玉室有闕於國帝庸嘉之掌司古闕

領校祕鄭研闕幽微追昔劉向辨賈之徒

北闕萬矣時戎闕二匡正一闕二朝廷惟

憂字關二有司字關二舉君班到官之日關瀉

吏士孝虎之怒薄伐字關九竝百姓賴之邦

域既寧久勞于外當還本朝以敘左右以

永嘉元年關月關日遭疾不關哀關於是

金鄉長河間高陽史恢等追惟昔日同歲

郎署感關為自古在昔先聖與人字關二興

替字關二人存生勞死哀是關萬年伊君遺

德關孔之珍故關石銘碑以旌明德焉其

辭曰

於惟武君允德允恭受天休命積祉所鍾

其在孩提岐嶷發蹤謙關守約唯誼是從

孝深凱風志潔羊羔樂是字關二恬此關光

孳孳臨川關見關牆庶仰其首微玄妙通

關然清字關六升關為帝股肱扶助大和萬

民字關一蒙顯宗字關二史官書功昊天上帝

降茲鞠凶晷忽徂逝字關四不享關耆大命

字關二百遺惟關后帝感傷學夫喪師士女

悽愴關表金門令問不忘垂關後昆萬載

歎誦

尚書丞沛國蕭曹之闕宣成武令中山安

熹曹种闕二豐令下邳良成徐崇闕二故

陳留府丞魯國魯闕四防東長齊國臨菑

闕紀伯允書此碑嚴祺字伯曾

金石古文卷五



